

十三天壽千歲其間或有中夭者計人中之  
壽三十六億歲阿鼻地獄中一日一夜復計  
彼日月之數三十日爲一月十二月爲一歲  
計彼日夜之數壽二萬歲計人中之壽壽一

拘利如是比丘計此之壽轉轉增倍除無想  
天計無想天壽八万四千劫除淨居天不來

此世是故比丘勿懷放逸於現身上得盡有  
漏如是比丘當作是學余時諸比丘聞佛所

說歡喜奉行

十四末

增一阿含經卷第四十三

松三

經言百歲當經三百冬夏秋謂冬秋各一百

故言三百而不言春者此順西域三時也言  
三時者寒熱雨三也言冬即彼寒時夏即彼  
熱時秋即彼雨時然彼三時各四月計一年  
有十二月今以冬夏秋擬彼三時而月數少  
蓋譯者不善方言也

荆棘居力反  
匿尼力寇苦候  
兜丁侯捺代

支叵及我識楚禁吏力置閨廁上音奪徒活  
犍稚上音巨下均整上決句瓦揭磨上居謁  
聲溺奴的利反  
羈居宜夫於小緩胡伴皺地瘦剥  
反必角  
反  
符秦建元年三藏彌摩難提譯

增壹阿含經卷第四十四

松四

一  
孫

十不善品第四十八

聞如是一時佛在舍衛國祇樹給孤獨園余

時世尊告諸比丘其有衆生脩行殺生廣布  
殺生種地獄罪餓鬼畜生行若生人中壽命

一

孫

極短所以然者由害他命若有衆生盜他物  
者種三惡道之罪若生人中恒遭貧匱食不  
充口衣不蓋形皆由盜故劫奪物者即斷他  
命根若有衆生好喜貪慾種三惡道若生人  
中門不貞良癡盜淫泆若有衆生妄語者種  
地獄罪若生人中爲人所輕言不信受爲人

所賤所以然者皆由前世妄語所致若有衆生兩舌者種三惡道之罪設生人中心恒不定常懷愁憂所以然者由彼人兩頭傳虛言故若有衆生麁言者種三惡道之罪若生人中爲人醜弊常喜罵呼所以然者由彼人言不專正之所致也若有衆生闖亂彼此種三惡道之罪設生人中多諸怨憎親親離散所以然者皆由前世鬭亂之所致也若有衆生嫉妬者種三惡道若生人中乏諸衣裳所以然者由彼人起貪嫉故若有衆生起害意種三惡道設生人中恒多虛妄不解至理心亂不定所以然者皆由前世恚怒所致也無有慈仁若有衆生行邪見者種三惡道若生人中乃在邊地不生中國不覩三尊道法之義或復聾盲瘡痘身形不正不解善法惡法之起所以然者皆由前世無信根故亦不信沙門婆羅門父母兄弟比丘知之由此十惡之報致此殃疊是故比丘當離十惡修行正見

如是比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊十五日說戒時將諸比丘前後圍遶往詣普會講堂尔時世尊默然觀察諸聖衆寂寥不語是時阿難白佛言今日聖衆盡集講堂唯然世尊當與諸比丘說禁戒尔時世尊亦復默然不語是時阿難須臾復白佛言今正是時宜說禁戒初夜欲盡尔時世尊復默不語尔時阿難須臾復白佛言中夜欲竟衆僧勞頓唯願世尊以時說戒尔時世尊復默然不語是時阿難須臾復白佛言後夜欲盡唯願世尊以時說戒佛告阿難衆中不淨者故不說戒今聽上座使說禁戒若僧上座不堪任說戒者聽持律說禁戒若無持者其能誦戒通利者當唱之使說戒自今以後如來更不說戒衆中不淨如來於中說戒被人頭破爲七分如彼酬羅果無有異是時阿難

悲泣交集并作是說聖衆今日便爲孤窮如來正法去何速疾使不淨之人出何速疾是時大目捷連便作是念此衆中何等毀法之人在此衆中乃令如來不說禁戒是時大目捷連入三昧定遍觀聖衆心中瑕穢爾時目連見馬師滿宿二比丘在衆會中是時目連即從座起至彼比丘所而告之曰汝等速起離此座中如來見譏由卿等故如來不說禁戒尔時二比丘默然不語是時目連復再三告曰汝等速起不須住此是時彼比丘默然不對是時目連即前捉手將至門外還取門閑前白佛言不淨比丘以將在外唯然世尊時說禁戒佛告目連止止目連如來更不與比丘說戒如來所說言不有二還詣座所是時目連復白佛言今此衆中以生瑕穢我不堪任行維那法唯願世尊更差餘人尔時世尊默然可之是時目連頭面礼世尊足還就本座是時阿難白世尊言毗婆尸如來出現

世時聖衆多少爲經幾時乃生瑕穢乃至迦葉如來弟子多少云何說戒佛告阿難九十一劫有佛出世名毗婆尸如來至真等正覺出現世間尔時三會聖衆初一會時比丘有一百千六萬八千聖衆第二會時十六萬聖衆第三會時十萬聖衆皆是阿羅漢彼佛壽八萬四千歲百歲之中聖衆清淨彼佛恒以一偈爲禁戒

忍辱爲第一 佛說無爲最 不以剃鬚髮害他爲沙門

是時彼佛以此一偈百歲之中而爲禁戒以生瑕穢便立禁戒復於三十一劫中有佛名式詰如來至真等正覺出現於世爾時亦復三會聖衆初一會時有十六萬聖衆第二會時十四萬聖衆第三會時十萬聖衆彼佛尔時八十年中清淨無瑕穢亦說一偈

若眼見非邪 慧者護不著 棄捐於衆惡在世爲黠慧

尔時彼佛八十年中說此一偈後有瑕穢便立禁戒尔時式詰佛壽七萬歲於彼劫中復有佛出現世間名曰毗舍羅婆亦三會聖衆初會之時十萬聖衆盡是羅漢第二會時八萬羅漢第三會時七萬羅漢諸漏已盡毗舍羅婆如來七十年中無瑕穢尔時復以一偈

## 爲禁戒

不害亦不非 奉行於大戒 於食知止足

牀座亦復然 執志爲專一 是則諸佛教  
七十年中以此爲禁戒毗舍羅婆如來壽七  
萬歲於此賢劫中有佛出世名曰世樓孫如  
來出現世間

尔時二會聖衆初會之時七萬聖衆皆是阿  
羅漢第二會時六萬阿羅漢彼佛尔時六十  
年中無有瑕穢彼佛尔時以二偈以爲禁戒  
譬如蜂採華 其色甚香潔 以味惠施他  
道士遊聚落 不誹謗於人 亦不觀是非  
但自觀身行 諦觀正不正

松四

自此以來以有瑕穢便立禁戒彼佛壽六萬  
歲於此賢劫中有佛出世名曰拘那含牟尼  
如來至真等正覺尔時二會聖衆初會之時  
六十萬聖衆皆是阿羅漢第二會時三十萬  
聖衆皆是阿羅漢尔時彼佛三十年中無有  
瑕穢以一偈而爲禁戒

執志莫輕戲 當學尊寂道 賢者無愁憂  
常滅志所念

自此以來便立禁戒彼佛壽四萬歲於此賢  
劫有佛名爲迦葉出現世間尔時彼佛亦二  
會聖衆初會之時四十萬衆第二會時三十  
萬衆皆是阿羅漢二十年中無有瑕穢恒以

一偈以爲禁戒  
一切惡莫作 當奉行其善 自淨其志意  
是則諸佛教

犯禁之後便立制限尔時迦葉佛壽二萬歲  
我今如來出現於世一會聖衆千二百五十  
人十二年中無有瑕穢亦以一偈以爲禁戒

護口意清淨 身行亦清淨 淨此三行跡

修行仙人道

以生犯律之人轉有二百五十戒自今以後  
衆僧集會啓白如律諸賢咸聽今十五日說  
戒今僧忍者衆僧和合說禁戒以啓此以設  
有比丘有所說者不應說戒各共默然若無

齋

五

語者應爲說戒乃至說戒序行復當問諸賢  
誰不清淨如是再三誰不清淨清淨者默然  
持之然今人壽命極短盡壽不過百年是故  
阿難善受持之爾時阿難白世尊言過去久  
遠諸佛世尊壽命極長犯律者少無有瑕穢  
然今人民壽命爲極短少不過十過去諸佛  
滅度之後有遺法住世爲經幾時佛告阿難  
過去諸佛滅度之後法不永存阿難白佛言  
設如來滅度之後王法存世當經幾時佛告  
阿難曰我滅度之後法當久存迦葉佛滅度  
後遺法住七日中汝今阿難如來弟子爲少  
莫作是觀東方弟子無數億千南方弟子無

數億千是故阿難當建此意我釋迦文佛壽  
命極長所以然者肉身雖取滅度法身存在  
此是其義當念奉行尔時阿難及諸比丘聞  
佛所說歡喜奉行

聞如是一時佛在舍衛國祇樹給孤獨園與  
大比丘衆五百人俱尔時阿難偏露右肩右  
膝著地白世尊言如來玄鑒無事不察當來  
過去現在三世皆悉明了過去諸佛姓字名  
號弟子菩薩翼從多少皆悉知之一劫百劫  
若無數劫悉觀察亦復知國王大臣人民姓  
字斯能分別如今現在國界若干亦復明了  
將來久遠弥勒出現至真等正覺欲聞其變  
弟子翼從佛境豐樂爲經幾時佛告阿難沒  
還就座聽我所說彌勒出現國土豐樂弟子  
多少善思念之執在心懷是時阿難從佛受  
教即還就座尔時世尊告阿難曰將來久遠  
於此國界當有城郭名曰雞頭東西十二由  
旬南北七由旬土地豐熟人民熾盛街巷成

行爾時城中有龍王名曰水光夜雨澤香晝  
則清和是時雞頭城中有羅刹鬼名曰葉華  
所行順法不違正教常伺人民寢寐之後除  
去穢惡諸不淨者又以香汁而灑其地極爲  
香淨阿難當知爾時間浮地東西南北十万  
由旬諸山河石壁皆自消滅四大海水各據

六

一方時間浮地極爲平整如鏡清明舉闊浮  
地內穀食豐賤人民熾盛多諸珍寶諸村落  
相近雞鳴相接是時弊華果樹枯竭穢惡亦  
自消滅其餘甘美果樹香氣殊好者皆生平  
地爾時時氣和適四時順節人身之中無有  
百八之患貪欲瞋恚愚癡不大慾懃人心平  
均皆同一意相見歡悅善言相向言辭一類  
無有差別如彼鬱單曰人而無有異是時間  
浮地內人民大小皆同一響無若干之差別  
也彼時男女之類意欲大小便地自然開事  
訖之後地復還合尔時間浮地內自然生粳  
米亦無皮裹極爲香美食無患苦所謂金銀

珍寶碑磲碼硝真珠琥珀各散在地無人省  
錄是時人民手執此寶自相謂言昔者之人  
由此寶故各相傷害繫閼牢獄更無數苦惱  
如今此寶與瓦石同流無人守護爾時法王  
出現名曰儴佞性正法治化七寶成就所謂七  
寶者輪寶象寶馬寶珠寶玉女寶典兵寶守  
藏之寶是謂七寶領此間浮地內不以刀杖  
自然靡伏如今阿難四珍之藏乾陀越國伊  
羅鉢寶藏多諸珍奇異物不可稱計第二弥  
梯羅國般絰大藏亦多珍寶第三須賴吒大  
國有寶藏亦多珍寶第四婆羅捺儴佞性有大  
藏多諸珍寶不可稱計此四大藏自然應現

七

諸守藏人各來白王唯願大王以此寶藏之  
物惠施貧窮爾時儴佞性大王得此寶已亦復  
不省錄之意無財物之想時間浮地內自然  
樹上生衣極細柔軟人取著之如今鬱單曰  
人自然樹上生衣而無有異爾時彼王有大  
臣名曰修梵摩是王少小同好王甚愛敬又

且顏貌端正不長不短不肥不瘦不白不黑  
不老不少是時修梵摩有妻名曰梵摩越王  
女中最極爲殊妙如天帝妃口作優鉢蓮華  
香身作栴檀香諸婦人八十四態永無復有  
亦無疾病亂想之念爾時彌勒菩薩於兜率  
天觀察父母不老不少便降神下應從右脅  
生如我今日右脅生無異彌勒菩薩亦復如  
是兜率諸天各各唱令彌勒菩薩以降神生  
是時修梵摩即與子立字名曰彌勒有三十  
二相八十種好莊嚴其身身黃金色爾時人  
壽極長無有諸患皆壽八萬四千歲女人年  
五百歲然後出嫡爾時彌勒在家未經幾時

便當出家學道尔時去雞頭城不遠有道樹  
名曰龍華高一由旬廣五百步時彌勒菩薩  
坐彼樹下成無上道果當其夜半彌勒出家  
即其夜成無上道時三千大千刹上六變震  
動地神各各相告曰今彌勒以成佛轉至聞  
四天王宮彌勒以成佛道轉轉聞微三十三

天焰天堯率天化自在天他化自在天聲展  
轉乃至梵天彌勒以成佛道尔時魔名大將  
以法治化聞如來名教音響之聲歡喜踊躍  
不能自勝七日七夜不眠不寐是時魔王將  
欲界無數天人至彌勒佛所恭敬礼拜彌勒  
聖尊與諸天漸漸說法微妙之論所謂論者  
施論戒論生天之論欲不淨想出要爲妙尔  
時彌勒見諸人民以發心歡喜諸佛世尊常  
所說法苦集盡道悉與諸天人廣分別其義  
尔時座上八萬四千天子諸塵垢盡得法眼  
淨尔時大將魔王告彼界人民之類曰汝等  
速出家所以然者彌勒今日以度彼岸亦當  
船

度汝等使至彼岸尔時雞頭城中長者名曰  
善財聞魔王教令又聞佛音響將八萬四千  
衆至彌勒佛所頭面禮足在一面坐尔時彌  
勒漸與說法微妙之論所謂論者施論戒論  
生天之論欲不淨想出要爲妙尔時彌勒見

集盡道與諸人民廣分別義。爾時座上八萬四千人諸塵垢盡得法眼淨。是時善財與八萬四千人等即前白佛求索出家。善修梵行盡成阿羅漢。道尔時彌勒初會八萬四千阿羅漢。是時懷佐王聞彌勒以成佛道便往至佛所欲得聞法時。彌勒佛與王說法初善中善後善義理深邃。尔時大王復於異時立太子賜剃頭師珍寶復以雜寶與諸梵志。將八萬四千衆往至佛所求作沙門盡成佛道果得阿羅漢。是時修梵摩大長者聞彌勒以成佛道。將八萬四千梵志之衆往至佛所求作沙門得阿羅漢。唯須梵摩一人斷三結使。盡苦際。是時佛母梵摩越復將八萬四千婦女之衆往至佛所求作沙門。尔時諸女人盡得羅漢。唯有梵摩越一人斷三結使成須陀洹。尔時諸刹利婦聞彌勒如來出現世間。成等正覺。數千萬衆往至佛所頭面禮足在一面坐。各各生心求作沙門出家學道。或有越

次取證或有不取證者。尔時阿難其不越次取證者盡是奉法之人患厭一切世間不可樂想。尔時彌勒當說三乘之教。如我今日弟子之中大迦葉者。行十二頭陀過去諸佛所善修梵行。此人常佐彌勒勸化人民。尔時迦葉去如來不遠結跏趺坐。正身正意繫念在前。尔時世尊告迦葉曰。吾今年以衰耗年向八十餘然今如來有四大聲聞堪任遊化智慧無盡衆德具足。云何爲四所謂大迦葉比丘君。奢鉢漢比丘賓頭盧比丘羅云比丘汝等四大聲聞要不般涅槃。須吾法沒盡然後乃當般涅槃。大迦葉亦不應般涅槃。要須彌勒出現世間。所以然者。彌勒所化弟子盡是釋迦文佛弟子。由我遺化得盡有漏摩竭國界毗提村中大迦葉於彼山中住。又彌勒如來將無數千人衆前後圍遶往至此山中。遂蒙佛恩。諸鬼神當與開門使得見迦葉禪窟。是時彌勒伸右手指示迦葉告諸人民過去。

松四

九

久遠釋迦文佛弟子名曰迦葉今日現在頭陀苦行最爲第一是時諸人民見已歎未曾有無數百千衆生諸塵垢盡得法眼淨或復有衆生見迦葉身已此名爲最初之會九十六億人皆得阿羅漢斯等之人皆是我弟子所以然者悉由受我教訓之所致也亦由四事因緣惠施仁愛利人等利余時阿難弥勒如來當取迦葉僧伽梨著之是時迦葉身體奄然星散是時弥勒復取種種華香供養迦葉所以然者諸佛世尊有敬心於正法故彌勒亦由我所受正法化得成無上正真之道阿難當知彌勒佛第二會時有九十四億人皆是阿羅漢亦復是我遺教弟子行四事供養之所致也又彌勒第三之會九十二億人皆是阿羅漢亦復是我遺教弟子余時比丘姓號皆名慈氏弟子如我今日諸聲聞皆稱釋迦弟子余時彌勒與諸弟子說法沒等比丘當思惟無常之想樂有苦想計我無我想

梵四

十

實有空想色變之想青瘀之想胖脹之想食不消想血想一切世間不可樂想所以然者比丘當知此十想者皆是過去釋迦文佛與汝等說令得盡有漏心得解脫若復此衆中釋迦文佛弟子過去時修於梵行來至我所或於釋迦文佛所奉持其法來至我所或復於釋迦文佛所供養三寶來至我所或於釋迦文佛所彈指之頃修於善本來至此間或於釋迦文佛所行四等心來至此者或於釋迦文佛所受持五戒三自歸來至我所或於釋迦文佛所起神寺廟來至我所或於釋迦文佛所補治故寺來至我所或於釋迦文佛所受八關齋法來至我所或於釋迦文佛所香華供養來至此者或復於彼聞佛法悲泣墮淚來至我所或復於釋迦文佛專意聽法來至我所復盡形壽善修梵行來至我所或復書讀諷誦來至我所者承事供養來至我所者是時彌勒便說此偈

增益戒聞德 禪及思惟業 善修於梵行  
 而來至我所 勸施發歡心 修行心源本  
 意無若干想 皆來至我所 或發平等心  
 承事於諸佛 飯食於聖衆 皆來至我所  
 或誦戒契經 善習與人說 煥然於法本  
 今來至我所 釋種善能化 供養諸舍利  
松四  
 承事法供養 若有書寫經 土  
 班宣於素上 其有供養經 皆來至我所  
 繒綵及衆物 供養於神寺 自稱南無佛  
 皆來至我所 供養於現在 諸佛過去者  
 檀定正平等 亦無有增減 是故於佛法  
 承事於聖衆 專心事三寶 必至無爲處  
 阿難當知彌勒如來在彼衆中當說此偈 亦無有解怠亦當供養諸法師  
 時衆中諸天人民思惟此十想十一妓人諸 種供養無令有失如是阿難當作是學余時  
 塹垢盡得法眼淨彌勒如來千歲之中衆僧 生懈怠亦當供養諸法師承事名華擣香種  
 無有瑕穢爾時恒以一偈以爲禁戒 聲聞如是一時佛在舍衛國祇樹給孤獨園余  
 口意不行惡 身亦無所犯 當除此三行 時衆多比丘集普會講堂各生此念今如來  
 速脫生死淵

過千歲之後當有犯戒之人遂復立戒彌勒  
 如來當壽八萬四千歲般涅槃後遺法當存  
 八萬四千歲所以然者余時衆生皆是利根  
 其有善男子善女人欲得彌勒佛及三會聲  
 聞衆及雞頭城及見儂怯王并四大藏珍寶  
 者欲食自然粳米并著自然衣裳身壞命終  
 生天上者彼善男子善女人當勤加精進無  
 生懈怠亦當供養諸法師承事名華擣香種  
 種供養無令有失如是阿難當作是學余時  
 阿難及諸大會聞佛所說歡喜奉行  
 聞如是一時佛在舍衛國祇樹給孤獨園余  
 時衆多比丘集普會講堂各生此念今如來  
 甚奇甚特過去取般涅槃者亦復知彼姓名  
 種族持戒翼從皆悉分明三昧智慧解脫解  
 脱見慧身壽有長短皆悉知之云何諸賢爲  
 是如來分別法處極爲清淨知彼諸佛姓字  
 所出之處乎爲是諸天來至佛所而告此耶  
 余時世尊以天耳徹聞衆多比丘各興此論

便往至諸比丘所在中央坐尔時世尊告諸比丘汝等集此爲何等論欲說何法諸比丘白佛言我等集此論正法之要諸人各興此論義如來甚奇甚特乃能知過去諸佛世尊名字姓號智慧多少靡不貫博甚可奇雅云何諸賢爲是如來分別法界極爲清淨知彼

松四

十三

諸佛姓字所出之處乎爲是諸天來至佛所而告此耶尔時世尊告諸比丘汝等欲得聞過去諸佛神智之力乎姓字名號壽命長短耶諸比丘對曰今正是時唯願世尊敷演其義佛告諸比丘汝等善思念之吾當與汝廣演其義尔時衆多比丘從佛受教世尊告曰

於賢劫中有佛出世名曰迦葉復於賢劫中我出現世釋迦文如來至真等正覺爾時世尊便說此偈

九十一劫中

有佛毗婆尸

二十一劫中

式詰如來出

復於彼劫中

毗舍如來現

今日賢劫中

四佛復出世

拘孫那迦葉

如日照世間 欲知名字者 其号悉如是  
毗婆尸如來者 出刹利種式詰如來亦出刹利種  
毗舍羅婆如來亦出刹利種拘曇孫如來出婆羅門種  
拘那含牟尼如來出婆羅門種如我今出刹利種  
迦葉如來出婆羅門種如我今出刹利種  
余時世尊便說此偈

松四

十三

前佛有現者 皆出刹利種 拘孫至迦葉  
出於婆羅門 最尊無能及 我今天人師  
諸根而悞怕 出於刹利姓

比丘當知過去九十一劫有佛出世號毗婆尸如來至真等正覺復次三十一劫有佛出世名式詰如來至真等正覺復於彼三十一劫內有佛名毗舍羅婆如來出世於此賢劫中有佛出世名拘曇孫如來復於賢劫中有佛出世名拘那含牟尼如來至真等正覺復

舍羅婆亦出瞿曇迦葉如來出迦葉姓拘那含牟尼拘曇孫亦出迦葉姓同上而無異我

今如來姓瞿曇尔時世尊便說此偈

如初諸三佛

出於瞿曇種

後三至迦葉

出於迦葉姓

如我今現在

天人所奉敬

諸根而惔怕

出於瞿曇姓

比丘當知毗婆尸如來姓拘隣若式詰如來亦出拘隣若毗舍羅婆如來出拘隣若拘屢

孫如來出婆羅墮拘那含牟尼如來出婆羅墮迦葉如來出婆羅墮如我今如來至真等

正覺出於拘隣若尔時世尊便說此偈

如初諸三佛

出於拘隣若

後三至迦葉

出於婆羅墮

如我今現在

天人所奉敬

諸根而惔怕

出於拘隣若

毗婆尸如來坐波羅利華樹下而成佛道式  
詰坐分陀利樹下而成佛道毗舍羅婆如來  
坐波羅樹下而成佛道拘屢孫如來坐尸利  
沙樹下而成佛道拘那含牟尼如來坐優頭  
跋羅樹下而成佛道迦葉如來坐尼拘留樹  
下而成道果如我今日如來坐吉祥樹下而

成佛道尔時世尊便說此偈

初一成佛道

波羅利樹下

或坐分陀利

毗舍坐波羅

拘孫坐尸利

拘那跋羅下

迦葉拘留樹

吉祥我成道

七佛天中天

照明於世間

因緣坐諸樹

各成其道果

毗婆尸如來弟子有十六萬毗舍羅婆如來弟子之衆十萬拘屢孫如來弟子之衆有八萬人拘那含牟尼如來弟子之衆有七萬人迦葉如來弟子之衆有六萬衆如我今日弟子之衆有千二百五十人皆是阿羅漢諸漏永盡無復諸縛尔時世尊便說此偈

松山

百千六萬八

毗婆尸弟子

百千及六萬

式詰弟子衆

百千比丘衆

毗舍婆弟子

拘孫八萬衆

拘那含七萬

迦葉六萬衆

皆是阿羅漢

我今釋迦文

千二百五十

布現於法教

遺法餘弟子

其數不可計

毗婆尸如來侍者名曰大導師式詰如來侍者名曰善覺毗舍羅婆如來侍者名曰勝衆拘屢孫如來侍者名曰吉祥拘那含牟尼如來侍者名曰毗羅先迦葉如來侍者名曰導師我今侍者名曰阿難尔時世尊便說此偈大導及所覺 勝衆與吉祥 毗羅先導師阿難第七侍 此人供養聖 無有不得時諷誦又受持 不失其義理

毗婆尸如來壽八萬四千歲式詰如來壽七萬歲毗舍羅婆如來壽六萬歲拘屢孫如來壽五萬歲拘那含如來壽四萬歲迦葉如來壽二萬歲如我今日壽極減少極壽不過百

歲尔時世尊便說斯偈

初佛八萬四 次佛七萬歲 毗舍婆六万  
拘留壽五万 一萬二万年 是拘那含壽  
迦葉壽二万 唯我壽百年  
如是諸比丘如來觀知諸佛姓名號字皆悉  
分明種類出處靡不貫練持戒智慧禪定解

松四

圭

脫皆悉了知尔時阿難白世尊言如來亦說過去恒沙諸佛取滅度者如來亦知當來恒沙諸佛方當來者如來亦知如來何故不記爾許佛所造今但說七佛本末佛告阿難皆有因緣本末故如來說七佛之本末過去恒沙諸佛亦說七佛本末將來彌勒出現世時亦當記七佛之本末若師子應如來出時亦當記七佛之本末若承柔順佛出世時亦當記七佛之名号若無垢佛出現世時亦當記迦葉之本末若寶光佛出現世時亦當記釋迦文之本末尔時世尊便說此偈

師子柔順光 無垢及寶光 弥勒之次第  
皆當成佛道 弥勒記式佛 師子記毗舍  
柔順記拘孫 光焰記牟尼 無垢記迦葉  
皆說曩所緣 過去諸三佛 及以將來者  
曩所之本末 寶光成三佛 亦當記我号

由此因緣故如來記七佛名号耳。尔時阿難白出尊言此經名何等。當云何奉行。佛告阿難此經名曰記佛名号。當念奉行。尔時阿難及諸比丘聞佛所說歡喜奉行。

聞如是一時佛在羅閱城迦蘭陀竹園所是時師子長者往至舍利弗所頭面礼足在一而坐。尔時師子長者白舍利弗言惟願尊者當受我請。是時舍利弗默然受請。是時長者見尊者默然受請便從座起。礼足而退復至大目捷連離越大迦葉阿那律迦旃延滿願子優波離須菩提羅云均頭沙弥如此上首者請五百人。是時師子長者即還辦具種種極妙飲食。敷妙座具。又白時到諸真人羅漢。靡所不鑒。今食具已辦。唯願屈顧臨赴下舍。尔時諸大聲聞各著三衣持鉢入城至長者家。時長者見諸最尊坐已。定手自斟酌行種種飲食。見諸聖衆食已。訖行清淨水。人施一白疋。前受呪願。是時尊者舍利弗與長者說。

松四

極沙之法便從座起而去。還詣靜室。尔時羅云至世尊所頭面禮足在一而坐。尔時世尊問曰汝今爲從何來。羅云報云。師子長者今日來見請。佛告之曰云何。羅云飲食爲妙。爲不妙。爲細耶。爲鹿耶。羅云報曰飲食極妙。又且豐多。今此白疋從彼得之。佛告羅云。衆僧斯有幾人。上座是誰。羅云白佛言和尚舍利弗最爲上首。及諸神德弟子有五百人。佛告羅云云何。羅云彼長者獲福爲多乎。羅云白佛言。唯然。世尊彼長者得福之報不可稱計。施一羅漢其福難限。何況大神妙天人所敬奉。今五百人。均是真人。其福有何可量。佛告羅云。今施五百羅漢之功德。若從衆中僧次求一沙門。請已供養。計此衆中差人之福。及與五百羅漢之福。百倍千倍巨億万倍。不可以譬喻爲比。所以然者。衆中所差其福難限。獲甘露滅盡之處。羅云當知。猶如有人自誓說曰吾要當飲此江河諸水。彼人爲堪任不

乎羅云白佛言不也世尊所以然者此閻浮  
地極爲廣大此閻浮地有四大何一者恒伽  
二者新頭三者私陀四者婆叉一一何者從  
有五百道然此人終不能飲水使盡但勞其  
功事終不成也彼人復作是說我自有方便  
因緣可得飲諸水使盡云何有因緣得飲諸

水

七

水尔時彼人便作是念我當飲海水所以然  
者一切諸流皆歸投于海云何羅云彼人能  
得飲諸水乎羅云白佛言如此方便可得飲  
水使盡所以然者一切諸流皆歸于海由此  
因緣故彼人得飲水盡佛告之曰如是羅云  
一切私陀猶如彼流或獲福或不獲福衆僧  
者如彼大海所以然者流河使水以入于海  
便滅本名但有大海之名耳羅云此亦如是  
今此十人皆從衆中出非衆不成云何爲十  
所謂向須陀洹得須陀洹向斯陀含得斯陀  
含向阿那含得阿那含向阿羅漢得阿羅漢  
辟支佛佛是謂十人皆由衆中非獨自立羅

云當以此方便知其衆中差者其福不可限  
量是故羅云善男子善女人欲求其福不可  
稱計當供養聖衆羅云當知猶如有人以酥  
投水凝不得廣普若以油投水則遍滿其上  
是故羅云當念供養聖衆比丘僧如是羅云  
當作是學尔時師子長者聞如來歎說施衆  
之福不歎說餘福尔時長者以餘時往至世  
尊所頭面禮足在一面坐尔時師子長者白  
世尊言適聞如來而歎說施衆之福不歎別  
請人之福自今以後常當供養聖衆佛告之  
曰我不作爾說當供養聖衆不供養餘人今  
施畜生猶獲其福何況餘人但我所說者福  
有多少所以然者如來聖衆可敬可貴是世  
間無上福田今此衆中有四向四得及聲聞  
乘辟支佛乘佛乘其有善男子善女人欲得  
三乘之道者當從衆中求之所以然者三乘  
之道皆出于衆長者我觀此因緣義故而說  
此語耳亦不教人應施聖衆不應施餘人余

時長者白世尊言如是如來如尊教勑自今已後若作福業盡當供養聖衆不選擇人施余時世尊與彼長者說微妙之法令發歡悅之心長者聞法已即從座起頭面禮足便退而去余時師子長者意欲施立福業

余時諸天來告之曰此是向須陀洹之人此

是得須陀洹施此得福多施此得福少余時

松四  
天人即歎頌曰

如來歎擇施 與此諸德士 施此獲福多

如良田生苗

余時師子長者默然不對余時天人復語長者此是持戒人此是犯戒人此向須陀洹人

松四

時我復作是念如來教誡不可違戾豈當生心選擇施乎終無是非之心高下之意也時我復作是念我當盡施一切衆生之類汝自持戒受福無窮若使犯戒自受其殃但愍衆生非食不濟命佛告長者善哉善哉長者行過弘誓菩薩所施心恒平等長者當知若善

九

薩惠施之日諸天來告之族姓子當知此是陀舍人此向阿那含此得阿那含此向阿羅漢此得阿羅漢此是聲聞乘此是辟支佛乘此是佛乘施此得福少施此得福多余時師子長者默然不對何以故余但憶如來教誡不選擇而施余時師子長者復以餘時至世獲福無量是時師子長者憶如來教誡熟視

尊所頭面禮足在一一面坐我自憶念請聖衆飯之有天來告我言此是持戒此是犯戒此人向須陀洹此人得須陀洹乃至三乘皆悉分別說此偈

如來歎擇施 與此諸德士 施此獲福多

如良田生苗

時我復作是念如來教誡不可違戾豈當生心選擇施乎終無是非之心高下之意也時

我復作是念我當盡施一切衆生之類汝自持戒受福無窮若使犯戒自受其殃但愍衆

生非食不濟命佛告長者善哉善哉長者行

過弘誓菩薩所施心恒平等長者當知若善

松四

九

薩惠施之日諸天來告之族姓子當知此是

持戒人此是犯戒人施此得福多施此得福少余時菩薩終無此心此應施此不應施然

菩薩執意而無是非亦不言此持戒亦不言

此犯戒是故長者當念平等惠施長夜之中

獲福無量是時師子長者憶如來教誡熟視

世尊意不移動即於座上得法眼淨是時師子長者即從座起頭面禮足便退而去尔時長者去未久佛告諸比丘曰此師子長者憶平等施故又視如來從頭至足即於座上得法眼淨尔時世尊告諸比丘我優婆塞中第一弟子平等施者所謂師子長者是尔時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱尔時尊者舍利弗在耆闍崛山中屏隈之處補衲故衣尔時有十千梵迦夷天從梵天沒來至舍利弗所頭面禮足各圍遶侍焉又以此偈而歎頌曰

歸命人中上 彙命人中尊 我等今不知  
爲依何等禪

是時十千梵迦夷天說此語已舍利弗默然可之尔時諸天以見舍利弗默然可已即禮足退去諸天去未遠舍利弗即入金剛三昧是時有二鬼一名伽羅二名優波伽羅毗沙

門天王使遣至毗留勒天王所欲論人天之事是時二鬼從彼虛空而過遙見舍利弗結跏趺坐繫念在前意寂然定伽羅鬼謂彼鬼言我今堪任以拳打此沙門頭優波伽羅鬼語第二鬼曰汝勿興此意打沙門頭所以然者此沙門極有神德有大威力此尊名舍利弗世尊弟子中聰明高才無復是過智慧弟子中最爲第一備於長夜受苦無量是時彼鬼再三曰我今能堪任打此沙門頭優波伽羅鬼報曰汝今不隨我語者汝便任此吾欲捨汝去此惡鬼曰汝畏此沙門平優波伽羅鬼曰我實畏之設汝以手打此沙門者此地當

松四

二十

分爲二分正尔當暴風疾雨地亦振動諸天驚動地已振動四天王亦當驚怖四天王已知於我等不安其所是時惡鬼曰我今堪任辱此沙門善鬼聞已便捨而去時彼惡鬼即以手打舍利弗頭是時天地大動四面有暴風疾雨尋時來至地即分爲二分此惡鬼即

以全身墮地獄中。尔時尊者舍利弗即從三昧起整衣服下耆闍崛山往詣竹園至世尊所頭面禮足在一而坐。尔時佛告舍利弗曰汝今身體無有疾病乎。舍利弗言體素無患唯苦頭痛。世尊告曰。伽羅鬼以手打汝頭。若當彼鬼以手打須弥山者。即時須弥山便爲二分。所以然者。彼鬼有大力故。今此鬼受其罪報。故全身入阿鼻地獄中。尔時世尊告諸比丘。甚奇甚特。金剛三昧力乃至於斯。由此三昧力故。無所傷害。正使須弥山打其頭者。終不能動其毫毛。所以然者。比丘聽之於此。賢劫中有佛名拘曇孫如來。至真等正覺。彼佛有二大聲聞。一名等壽。二名大智。比丘等壽神足第一。比丘大智智慧第一。如我今日舍利弗智慧第一。目犍連神足第一。尔時等壽大智二比丘。俱得金剛三昧。當於一時等壽比丘在閑靜之處。入金剛三昧時。諸牧牛人。牧羊人取薪草。人見此比丘坐禪。各各自

松四

北

相謂言。此沙門今日以取無常。是時牧牛人及取薪人集。諸草木蘢比丘身上以火燒已。而捨之去。是時等壽比丘即從三昧起整衣服便退而去。是時比丘即以其日著衣持鉢入村乞食時。諸取薪草人見此比丘。村中乞食各各自相謂言。此比丘昨日已取命終。我等以火焚燒今日復還活。今當立字。字曰還活。若有比丘得金剛三昧者。火所不燒。刀斫不入水。所不漂。不爲他所中傷。如是比丘。金剛三昧威德如是。今舍利弗得此三昧。舍利弗比丘多遊二處。空三昧。金剛三昧。是故諸比丘當求方便。行金剛三昧。如是比丘當作是學。尔時世尊告諸比丘。我當教汝。如舍利弗。比丘智慧大智分別智。廣智無邊智。捷疾之智。普遊智。利智。甚深智。斷智。少欲知足。閑靜勇猛。念不分散戒。成就三昧。成就智慧。成就解脫。見慧。成就柔和無諍。去惡辯了忍。諸言語。歎說離惡。常念去離慾。念生盲。然熾正。

法與人說法無有厭足爾時世尊便說此偈

十千諸天人 盡是梵迦夷

自歸舍利弗

於靈鷲山頂

歸命人中上

歸命人中尊

我今不能知

爲依何等禪

如是弟子華

莊嚴佛道樹

如天畫度園

使樂無有比

弟子華者即是舍利弗比丘是所以然者此

人則能莊嚴佛道樹者即如來是也如來

能覆蓋一切衆生是故比丘當念勤加勇猛

精進如舍利弗比丘如是比丘當作是學尔

時諸比丘聞佛所說歡喜奉行

廿末

### 增一阿含經卷第四十四

松四

牧牛目 音  
蕡子智漂反 苗中傷聲 去捷  
疾業反

### 增壹阿含經卷第四十五

松五

符秦建元年三藏曇摩難提譯

### 牧牛品第四十九第四分別誦

聞如是一時佛在舍衛國祇樹給孤獨園尔  
時世尊告諸比丘若牧牛兒成就十一法牛  
群終不長益亦復不能將護其牛云何爲十

黃文義

一於是牧牛人亦不別其色不解其相應摩  
刷而不摩刷不覆護瘡痍不隨時放煙不知  
良田茂草處不知安隱之處亦復不知渡牛  
處所不知時宜若擊牛時不留遺餘盡取擊  
之是時諸大牛可任用者不隨時將護是謂  
比丘若牧牛人成就此十一法終不能長養

匱求位  
匱反  
疊許近  
疊反  
詰起一  
詰反  
棄捐上  
音弃  
點閉八  
伺相寺  
伺反  
寢寐上  
音密  
下密二  
錦反  
靡免彼珍琦  
靡反  
業嫡尸石遂  
業反  
脅虛  
脅反  
撫痒奇  
撫反  
梯湯兮  
梯反  
惆直  
流態他  
奄於檢嫁古哀淵  
奄反  
跋蒲未造七到  
跋反  
造反  
疑魚刑  
疑反  
戾零帝  
戾反  
屏隈餅下音  
屏隈饼下音